

LIBRO DE ADORACIÓN
PARA EL USO
DE LOS INDIOS VALIENTES.

BOOK OF WORSHIP
FOR
VALIENTE INDIANS

A Collection of:	=	Colección de
PSALMS	=	Salmos
HYMNS	=	Himnos
GATECHISM	=	Gatecismo

REV. E. S. ALPHONSE,
WESLEYAN MISSION,
BOCAS DEL TORO,
REP. DE PANAMA.

VAIENLE
1933

Ngobere Ngobó-Mikadre-bori
Toro.

Jondron Toro te

1	{	Ka David Kae	=	Salmos
2	{	Ka	=	Himnos
3	{	Katesismo	=	Gatecismo

REV. E. S. ALPHONSE,
AWANE NIARA YUDAKOTREWE BARE

WESLEYAN MISSION,
BOCAS DEL TORO,
REP. DE PANAMA.

SALMOS.

1

KAE NGOBÓ KROKE.
SALMO TOROE NGOBE KUKÉ TE. NI JUDIOS
SALMO 1.

1. Monsowe ñan nomani ni diun toe erere, abro monsoe nuore, ñan nonmane kúe ni jamikako ngite jie ngrabare: ñan tokobare kúe ni, ni medan kotaeko awane yaeko tokorae te, abro monsoe nuore.
2. Akua drekuá jukra konek'ri, Ngobó kuke boto niara toe tau, awane ngrobe ko weana nuore ja boto kroke, awane tau Niara kuke tóibikaire dare awane deo.
3. Awane dabal kri nonkani ño bo dorebe te, ngwo dete boto ngwore koe te, awane ko ñan nonken chi, erere niara dabal, awane drekuá niara noin noaine, dabal nirien kúnkuore awane tonkenye kroke.
4. Ni diun ñan ye erere, akua tau krun drunyen erere juanko muriewe nore.
5. Abokon boto ni diun ñan nunankodre Ngobówe ni koroi jondron noaimanena nomonointa nie koe noire; ni ja mikako ngite ñan dabadre nunenko ni koin awane metre ngotoete ererauto.
6. Kisete ni ja weanko metre awane koin jie gare Ngobóe akua ni diun jie guidaibiti awane deaite.

SALMO 2.

1. Nióboto ni tau ja wen kuoro-kuoro, awane jondron jiba tekeare ngwarobo tóibikaire?

2. Ni Reyes ko tibien boto awane ni kobobukotre kúe ja ukaninkro keteítibe awane blitabare diun Jehová boto, awane ni fiokoni kúe boto: awane fiere—
3. Ari Niara kpe otóte awane kiteko ja bore.
4. Ni nunanko ko koin biti kúe kotaedi, awane Ngobówe niaratre kaendi jae.
5. Abokon wane Ngobówe blitai ja brukuo dubune biti bentre awane weain nikienko kúe ja dubunyen biti.
6. Akua tiwe ja Reye mikani Sion ja ngutuoe ngo biti.
7. Tiwe ja kuke mikai ko merebiti; Ngobówe fierebare tie, mo bro ti Ngobó, Ti koboite Mo tau nire metare.
8. Dibere, awane tiwe ni kodrunente mikai mo kise te, awane ko tibien ngure jukra tiwe biain bokondre moe.
9. Mowe dikiante jioro munkoen biti, awane trekaite munune doboro-ngwo-dotebare ngetrate erere.
10. Ja mike tóboto Reyes awane mike nuke gare jae metre kalete ko tibien biti!
11. Ja mike Ngobó monsoere ngoninkaire kuoro, munwen awane ko wen nuore ja boto brukareko kuoro.
12. Ngobó Ngobó dumoene, ñan Niara guedadre awane mun deadrete ji ngrabare kore. Niara brukuo jatadre nganden wane. Ni jukra Niara kakotote awane tó dekaiki biti bro nuore.

SALMO 3.

1. Jehová nio ti nikako nebetaninko kuati! awane kabré tau ja duyere ti ben.
2. Yudá ñaka niara kroke Ngobó te, ni kabré tau fiere ti boto.
3. Akua, Mo, Jehová ti kireye mikako ti boreta, ti bonuore nenie Kúe ti dokuo kako.
4. Ti kuke biti tiwe muyaidre Jehová, awane Niarawe ja ngo ngutuoe biti ti kuke kaningobiti.
5. Tiwe jukaba tibien, kubuyaba awane ti dukabata ngwote, Jehováwe ti ketaninte kise te.
6. Ni mil krojoto kúe ki mikadre ti bore, ti ñan dabá ngoninkaire.
7. Nunenko, Jehová; ti ngubuore. Ti ngubuore O ti Ngobó, kiseti Mowe ti duyeko jukra mikani trone, ni diun tu monoaninte Mowe.
8. Nire bro Jehováwe: Mo jutoe boto Mo bendición dabai.

SALMO 4.

1. Ti kukenoin ti mo korore wane, O Ngobó ti mikako jondron metre noaine; ti namanina ti nika koe te wane Mowe ti mikani nirien, ja brukuo mike koin ti kroke, awane ti breyasie kukenoin.
2. Mun ni brare ngobrion, nio wane munwen jondron bokon tiwe mikani gaedre? nio wane mun jondron jiba ngwarobo ben tare awane níngoka konone?

3. Akua Ngobówe ni koin mikani ko boto ja kroke, ye mike tóro jae; Ngobóe ti kuke jaroai, tiwe koroi wane.
4. Nunenko ngoninkaire awane ñakare ja mika ngite; blite ja brukuo jeñie ben ja kubuyarae te, awane ja mike küekebe, kóntibe jondron metre noaine, aye biandre Ngobóye awane tódeke Niara boto.
5. Niré bike dre koin mike toadre? Ni kri koin tau ñere nun boto, Ngobó ja ngwore niotrae tro kainko kunkuore nun boto.
6. Mowe ko mikani nuore ti brukuo boto, i awane dq nirien koe te nirien ngwon.
7. Ti jukai ko tidibe te awane ti kubuyai. Kisete mo Ngobó ngrobe ti mikako nune kuore.

SALMO 5.

1. Ja olo mike ti kuke tori, O Ngobó, a'n' ti tau jondron toibikaire nature.
2. Ti muyai kuke kukenoin, ti Reye a'n' ti Ngobóe, kisete Moe tiwe breyasie ñei.
3. Ti kuke jaroai deko O Ngobó, deko tiwe ja muyaedi Mo boto awane nikrai kunkuore Mo ngubuoi.
4. Kisete Mo bro ñan Ngobó jondron diun kako koin ae, awane jondron diun ñan dabá nebe Mo ben keteitibe.
5. Ni drobare ñan dabá nunenko Mo okuo kone, Mo jaduyere ni jondron diun sribieko jukra ben.

6. Mowe blitaiko níngokare jukra mikai neyeko, Ngobó ni dorié mikako nenyen awane ni juturu-ture kaendi jae.
7. Akua ti kroke Mo brukuo koin diká kisete ti kuain Mo güire te awane ngoninkaire kuoro tiwe Mo mikai bori Mo Uyae ngo kukuore.
8. Ti jie wenyé O Ngobó ja metre biti ti duyeko ngoninkaire, ja jie mike metre ti kone.
9. Jondron metre ñan niara kada te, kisete jondron diunmen tau niaratre teri kiri, doro tau doboi-meta koe neaninte erere, awane tidro biti ja kainko kunkuore.
10. Niaratre mike neyeko Mowe O Ngobó. Niaratre tpe jeñie koboite mike ngitiékonti, jakainbori diká boto kiteko kobore, jakanibori küetre Mo boto.
11. Akua ni tódekako Mo biti jukra mike nuore. Niaratre mike ngwonenko kore ko nuore boto kisete, awane jukra mo ko ben tare mike ko wenyen nuore ja boto, Ja koboite.
12. Kisete Mo, O Ngobó, ni ja weanko metre boto Mowe ñokoi koin. Mowe yudá kie mikai kone niaratre kireé mikara.

SALMO 6.

1. Ngobó ñan guedá ti ben ja dubúne biti, awane ti miká jondron bló toenmetre ja di biti.
2. Ja brukuo mike koin ti kroke, O Ngobó, ti di ñan kisete. O Ngobó ti mikaita mobe, ti kro tau jene-jene.

3. Ti uyae tau bori doin tare; akua Mo O Ngobó, Nio wane?
4. Ja küitete O Ngobó, ti uyae mike nuore. O ti ngubuore Ja ko kroke.
5. Kisete guetá te Mo ñan dabá tóro ta; nire ngusewe tenks biain Moe?
6. Ti tau nain bontrón miká boto, kore dibire ti tau ja kubuyara mike ñiere, awane ti tau ja okuorie keye biti.
7. Ti okuo kitrá krute tóbiká boto, kitrá búkere a'n' nankuen ti duyeko koboite.
8. Noin kobore ti ken mun jondron diun noainko jukra; kisete Ngobó ti muyá kuke jaroabare.
9. Ti dibé kuke jaroabare Ngobóye, Ngobówe ti breyasie kuke kaningobiti.
10. Ni ti duyeko jukra mike jagaire, a'n' dubún: mike niküitete a'n' jagaire biare dabe.

SALMO 11.

1. Jehová biti tiwe tó dekada. Nio mun tau ñere ti uyae ye ngitié ngutuo kukuore nukuo erere?
2. Kisete, toen nete, ni diunwen ja tunkenyen dotani ti boto, niaratre ja dróroe mikanina tunken mukuo te, ni metre ja brukuo te tokora gore.
3. Gro dotadre tibien wane, Ni koinwe dre noaindre?
4. Jehováwe ja ngo juye te tau: Ngobó tokorae tau

- ko koin biti; Niara okuae toen, Niara okuo drunen ni ko tibien biti ngobrion jukra toen tote.
5. Ngobó ni metre noente: akua ni diun awane ni kudrere ni boto tareko abokon uyae ben Ngobó jaduyere.
 6. Ni diun biti tukeni dokoin ñu erere; niókuo, jo ngire, awane murié krubote ne bro dabái tómanane kroketre.
 7. Kisete Ngobówe jondron metre tare, ni metrewe Niara ngwore boto nikrai.

SALMO 13.

1. Noofte ti koidikútaiko Mo biti O Ngobó, korea? Konooite Mowe ja ngwore ukai ti ngoninkaire?
2. Konooite tiwe kuke ti mikara nuore deain ja uyae te, ti brukuo dabái ulire mantran jétebe? Konooite ti duyeko mikai bori menten koin ti bitita?
3. Ti toibikaire awane ti kukenoin O Jehová ti Ngobóe, ko mike toen ti okuae tiwe ñan kubuyadre guetá te kore.
4. Ti dinukani niara boto, ñan ti duyekowe ñedre kore, awane ti nikakowe ko weani nuore ja boto ti nikiani tibien wane.
5. Akua tiwe tódekani Mo biti, ti brukuo boto ko dabái nuore Mo ngubuora te.
6. Tiwe kai Ngobóe, kisete jondron koin noaimane kúe ti kroke.

SALMO 14.

1. Ni drobarewe, Ngobó ñakare, ñebare ja brukuo te. Ja danina küetre awane jondron kaendre jae noaimanena. Ni ítibe ñan tau jondron koin noaine.
2. Ngobó mope koin nikraba timon ni brare ngobríon boto, ni kroro dabá tó nuke, awane Ngobó konone añoa toa kore.
3. Niaratre jukra nikiani dukuo mike jondron diun jíé bití awane jukra namani dobórore ni ítibe ñan tau jondron koin noaine, ítibe 'kua ñan.
4. Ni jondron diun noainko jukra tó ñakare dabadre; nenie küe ni tiwe kuatani brete erere awane ñakare Ngobó korobare tóro küe boto?
5. Niaratrewe ja weani nikienko kri, Ngobó tau ni metre ngobríon ben kisete.
6. Munwen ni bóbre kuke mikani ngwarobo kisete Ngobó bro Oloko iwe.
7. Niowane Israel Ngubuoko kuain kobore Sion koe te? Koñowane Ngobó kuain ni küe benta kobore klabure kon, Jakobowe ko weain nuore ja boto, awane Israel boto ko dabadre nuore.

SALMO 23.

1. Ngobó bro kalinero Ngubuoko erere ti Ngubuoko; drekua ti ñan dabá tpe nike chí.

2. Ti mikai juke tibien kiangoto kare koe te. Niarawe ti jie weani ño küekebe kuró bore.
3. Ti uyae dimikadreta küe, Niarawe jondron metre jie ngrabare ti jie weain ja ko ngo kroke.
4. Akisete tiwe dikako guetá kongruyenen dígre te, ti ñan dre diun ngoninkaire chí, Mo tau ti ben kisete. Mo munkonyen awane Mo tunyen küe ti dimikai.
5. Mowe teblú mikai juto ti kone, ti duyeko jukra okuobiti: Mowe ti dukuo bosokani ko bití. Jondron ere dikaruore tiwe, Mo koboite.
6. Erara é jondron koin awane Mo brukuo koin aebe küe noin ti jíé bití ti todre nire wane, awane tiwe nunain Ngobó güirete kore awane kore.

SALMO 25.

1. Moe O Ngobó ti tau ja uyae kainko.
2. Ti Ngobóe, ti tau tó deke Mo bití, ñakare ti toanmetre jagaire, ñakare ti duyeko toanmetre nõro juke ti bití.
3. Erara é ñakare Mo ngubuoko ítibe toanmetre jagaire. Akua ni jukra nenie tau ja mike bori Mo boto dabadre jagaire.
4. Ja jie driere tie, O Ngobó, awane ti tótike boto.
5. Ti jie wenye jondron metre te; awane ti tótike; kisete Mo bro ti Ngobóe ti ngubuora bianko; Mobe ti tpe ngubuore mantran jétebe.
6. 'Kua Mo brukuo koin, awane bori dorebe, ye mike tóro jae O ti Ngobóye.

7. Ti monsore wane ti ngite, awane tiwe ja mikani bori, ñan ye miká tɔrota jae. Mo brukuo koin nore ti mike tɔro jae, Mo jondronen koina kroke O Jehová.
8. Ngobó koin awane metre: abɔkonwe ji drief ni jamikako ngite iwe.
9. Ni bikako tidro jie weani kúe jondron nomonoin nie koe te, awane ni jome ja brukuo te ye ja jie drief kúe.
10. Ngobó jie jukra bro koin awane metre, ni nioe nenie tau Niara kuke ngubuore.
11. Kisete Mo ko ngo kroke O Ngobó, ti ngite niainta ti biti, ti ngite bro kri kisete.
12. Niré tau Ngobó ngoninkaire? ara iwe Niarawe ji medén koin dabadre denyen drief.
13. Niara uyae nunain ko kúekebe te, awane niara ngobrionwe ko tibien dabal.
14. Jondron tiwire Ngobówe bro ni Niara ngoninkaiko kroke, iwe ja kuke miká braibare gare kúe.
15. Ti okuo tau kore Ngobó kukuore; Niarawe ti ngotó deaninko kra te kisete.
16. Ja kúitete ti kukuore, awane ja brukuo mike koin ti kroke. Ti tau kaibe awane jondron tare níké kisete.
17. Ti nikara ti brukuo te tau nirien, ti denyenko kobore ti nikara koe te.

18. Ninkren ti nikara a'n' ti ngidien boto, awane ti ngite jukra nienta ti biti.
19. Ninkren ti duyeko boto: Niaratre nebetaninko kuati, awane tau jaduyere ti ben ja brukuo kome biti.
20. Ti uyae ngubuore awane mike kuore, ñan ti dabadre jagaire; ti tau tɔdeke Mo biti kisete.
21. Jondron ngo awane metre mike ti ngubuore: Mo ngubuota tiwe kisete.
22. Israel kokɔtorita O Ngobó; Niaratre nikako jukra kon.

SALMO 27.

1. Ngobó bro ti niotrae awane ti nirera, Niré ngoninkaedi tiwe? Ngobó ti nire dira, Niré ngoninkaedi tiwe?
2. Koñowane ni diun ti duyeko ara jantani tie ti ngotore kuatá kore niara ngantani awane ngiti-anikonti.
3. Ni dukotre kriwe jukai tibien ti bore, ti brukuo ñan dabá ngoninke; du dakadreko ti boto awane, ne biti tiwe tɔdeká.
4. Jondron kuátibe ti tau dibere Ngobóe, ye tiwe konoin; ye bro tiwe nunandre Ngobó güirete kore mantran jétebe ja nire te. Ngobó jondronen bonuore toá kore, awane jondron Niara güire te gain.
5. Kisete níká koe te Niara dabal ti uke ja nunana

- koe te, ko tiwire te ti uká kúe, Niarawe tí mikáí jo bití koin.
6. Awane tóbítí Niarawe tí dokuo kaíko tí duyeko tí bore bitíta: akísete tíwe jondron biandre iwe ja nunana koe te nuore; tíwe kai, jon tíwe kai bonuore Jehováe.
7. Tí kukenoin O Ngobó tí munyen ja kuke bití Moe wane, ja brukuo miki koin tí kroke ererauto, awane ñoke tí kore.
8. Koñowane Mowe ñebare, Tí ngwore konone mowe, Tí brukuowe ñebare Moe, Mo ngwore konoin tíwe O Ngobó.
9. Ñakare ja ngwore uká menten tí kone; ñakare ja monsoe miká menten ja dubune bití, Mo namani tí yudako tí kroke, ñakare tí toanmetre a'n' tí mikako menten, O Ngobó tí nirera.
10. Koñowane tí dun awane tí meyewe tí toanmetre; noire Ngobówe kóntibe tí deain.
11. Tí tótíke ja jie tori O Ngobó, awane tí wenye jí bo ngrabe ngrabare tí duyeko ngoníngkaire.
12. Ñakare tí bian ní diun tõe iwe, niaratre jantani níngoko wenyen tí boto; awane nenie tõe ra niera kudrei tí boto.
13. Tí dabadre dí neyeko, Ngobó-tõn-koin-ko tibien-bití-ní-nire-jukra-ngotoete-toadre, tíwe ñakare kaintote wane.
14. Ngobó ngubuore, ja miki baliente, Niarawe Mo brukuo dímikáí, Ngobó ngubuore tí tau ñere.

SALMO 28.

1. Moe, tíwe muyai O Ngobó, tí joe, ñan ñán tí kuke doin jae. Mowe ñan tí kuke mikadre doin noire tí dabadre ní noin komukuo te erere.
2. Tí díbé kuke kúkénoin, tí munyen Moe wane, tíwe ja kise kako kunkuore Mo miká bori juye ngó kukuore wane.
3. Ñakare tí toenmetre noin ní diun ben, awane ní jondron diun noainko ben nenie tau blite deme ja morokotre ben, akua jondron diun toro kúetre ja brukuo te.
4. Bien niaratre iwe, ja sribie nore, awane ja jondron noaine nore, niaratre kise sribie nore bien iwe, nore utio bien iwetre.
5. Kísete ñan Ngobó sribie toibikaire kúetre, awane niara kise sribie toibikaire, niarawe dikianinte tibien ererauto, awane ñan doteita.
6. Ngobó bori koin, kísete Niarawe tí díbé kuke jaroabare.
7. Ngobó bro tí díra awane tí kireémikaka; tí brukuo tódeke Niara bití, awane tí yudabare, abõkon boto tí brukuo namani nuore, bití tíwe Niara mikáí bori.
8. Ngobó bro niaratre díra, awane ní ñokobare kúe díe Ngubuoko.
9. Ní Mowe ngubuore, awane jondron guedeandre iwetre boto ñoke koin; niaratre buke ererauto awane káinkotre kunkuore kore.

SALMO 47.

1. Kise mete ni jukra kúe, nwonenko Ngobóye ja kuke nuore biti.
2. Kisete Ngobó menten koin bro krubote. Niara bro Reye kri ko tibien jukra biti.
3. Niarawe ni mikai nun toni awane ni ko kri biti jukra nun ngotó toni.
4. Dre dabadre nun tribe bo, dre dabadre nun koe, nun koe bo, Niarawe deain nun kroke awane drei nunyen, abokon biti Jakobo tau ja dikaire.
5. Ngobó nikianinta koin ganán kuke ben, awane ngro kuke biti.
6. Ken Ngobóe, Ken; Ken nun Rey Iwe; Ken.
7. Kisete Ngobó bro ko tibien jukra Reye; Ken ja tóbiti.
8. Ngobó ara tau gro biti ni kodrunente ngotoite, Ngobó tokobare ja tokoraye ngóe biti.
9. Ni kotibien kobobuyewe ja ukaninkro ketetibe Ja mikadre Abram Ngobóe monsoere: kisete jondron ko tibien biti dira bro Ngobówe; Niara bori kaninko koin.

SALMO 51.

1. Ja brukuo mike dorebe ti kroke O Ngobó, Mo bori koin ye, nore Mo ja miká ti kroke: Mo brukuo bori dorebe ti kukeye bitita ye ara kore kiset ti ngite sokadreko ti biti.

2. Ti botete ngó jondron diun kon, awane ti sokote ti ngite kon.
3. Ti ngite ti tau driereta Moe: awane ti ngite tau ti kone kore.
4. Niré boto tiwe ja mikani ngite, awane niré, okuóbiti tiwe jondron diun ne bare. Nan Mowe ara botoya? akisete Mo metre mo tau blite ti boto wane, Mo é Mo tau nomonone tie wane.
5. Akua ti toa, dre te ti dotebare? Nan ngite te dubonea? Nan ngite biti ti meyewe ti koboi-barea?
6. Jondron metre ye Mo to toai ni teri: awane ko kaibe konti Mowe ti mikai tóboto.
7. Ti teri sukote nisopo biti a'n' ti dabal mobe: Ti botete, a'n' ti dabal bori wenyen ñungoto ngwon.
8. Jondron nuore Mowe ye mikadre doin tie; aye-kore ti kro Mowe qtaniboto ye dabadreta nuore.
9. Mo ngwore uke ti ngite ngoninkaire, awane jondron diun jukra tiwe bare sokote.
10. Brukuo moró dotere ti te O Ngobó, awane to metre sribiere ti te.
11. Nakare ti kiteko Mo ngwore bore; ñakare Mo uyae ngó deénko ti kon.
12. Mo ngubuora nuore ye bienta tie, awane to kuore biti ti ketete.
13. Awane bátibe tiwe ni jamikako ngite tótike Mo jie te; awane ni jamikako ngite toe kuite Mo kukuore.

14.
15. O Jehová ti kadakuata ngeyente awane tiwe Mo mikai bori ja kadae biti.

SALMO 103.

1. Bless Jehová O ti uyae: awane drekuu jukra ti te Niara ko ngo bless.
2. Bless Jehová O ti uyae, awane drekuu jukra koin bare küe mo kroke ñakare koidikuitadrecko ja biti:
3. Niarawe mo ngite jukra nianinta mo biti; mo brenme jukra mikaninta mo be küe;
4. Mo nire kòkanintorita küe guetá koe kon; Jondron koin bori dikaruore ñan bo bre biani sobrore moe;
5. Mo kadae mikani jondron koin küete debe, akisete mo nibira moró ngotro jumu erere.
6. Jondron metre ye sribieta Jehováwe ni klabure kroke, awane nomonoindi bõnkon küe kroketre.
7. Niarawe ja jie mikani gare Moisesye, ja noaine mikani toadre Israelye.
8. Jehová bro brukuo dorebe awane deme, dubún batore, awane brukuo dorebe ñan bo bre chi.
9. Nan dabá motrore kore: ñakare dubún tote kore.
10. Nunwen ja mikani ngite, ñan nore utio biani nunyen nun ngite kroke; ñakare nun ngié utio nore biani nunyen.

11. Kisete erere ko koin bori menten koin ko tibien ngwon, nore Niara brukuo dorebe kri niaratre kroke nenie bro Niara ngoninkaiko.
12. Koderi a'n' nedeni menten jan kon kuori-kuori nore nun ngite mikani menten nun kon.
13. Ni dundre ulire ja slotaye kroke nore Jehová ulire ni Niara ngoninkaiko kroke.
14. Nun ngrabare nio gare Iwe; nun bro ko buré ye tote toro Iwe.
15. Nunana koe niwe bro tau kiangoto koe erere, bablú konsén tuore nore nie.
16. Murié sukai biti awane nikira ta: ko ñan dabá gare chi medan.
17. Kua Ngobó bro brukuo dorebe ni kroke kore kobóta, ni, nenie bro Niara ngoninkaiko, jondron metre küe driei ni kore odgedre iwe.
18. Nenie Niara-kobó-mikani-kukeye-ngubuore, awane nenie Niara-noaiwunamane-kukeye-mikani-toro kore noaindre kore.
19. Jehováwe ja tokorae yokoba ko koin biti; awane Niarabe gro biti ko nio biti.
20. Bless Jehová mun Niara angeles bori dite, nenie tau Niara kukeye noaine awane kukénoin.
21. Bless Jehová mun Niara dukoe jukra mun Niara monsoetre nenie tau jondron nuore kroke noaine.
22. Bless Jehová niara sribie jukra ko medeñ erere niara tau gro biti: Bless Jehová O ti uyae.

SALMO 120.

1. Ti nomani ko ulire te wane tiwe muyabare Ngobó boto a'n' ti kuke kaningobiti Küe.
2. Ti uyae mike kuore O Ngobó ni kadá kuata nín-goko kon, awane tidro juturuture kon.
3. Dre biaín moe, O dre noaindi mo bití tidro nín-goko?
4. Ni baliente dróroe gríne, erere déketa badae ngire, erere mo tidro tare.
5. Tare tie ti tau ni jibá erere Mísek konti! Tare tie ti tau nune Kedar ngotoite!
6. Mekéra ti tau nune ni-ko-tídibe-ben-jaduyere ngotoite.
7. Ti bro kúekebe, akua ti blite wane, niaratre du mike ti boto.

SALMO 121.

1. Tiwe ja okuo kaiko ngutuoe ti yudara jata kiri konti.
2. Ti yudara jata Ngobó kiri, ara Küe ko koin awane ko tibien mikani.
3. Niarawe ñan mo ngotó mikadre nenyente, awane ni mo ngubuoko ñan dabá k'buyen.
4. Toen ni Israel ngubuoko ñan dabadre nain a'n' k'buyen.
5. Ngobó bro mo ngubuoko; Ngobó bro mo troe mo kude baliente kirí.

6. Ngiwana ñan mo kukadre dare, awane so trowe ñan mo noaindi chi deo.
7. Ngobówe mo ngubuoi jondron diun jukra kon; Niarawe mo uyae ngubuoi.
8. Ngobówe mo ngubuoi mo noin mentonkuore a'n' guokore wane, biare, metare awane kobotá, kore awane kore.

SALMO 122.

1. Ti namani nuore koñowane àri noin Ngobó güire té ñebare tie.
2. Nun ngotó namani mo jukeye ñote, O Jerusalem.
3. Jerusalem detebare, ju dotebare koin keteítibe ja boto erere.
4. Yete ni Jehová ngobrion noin, Israelye jondron ñebare nore awane tenks bien Ngobó ko ngo iwe kore.
5. Kisete yete jondron nomonondre nie tokorae koe mikani; ye bro David juye te.
6. Jerusalem koe tídibe díbere. Nenie küe mo tare dabadre nirien tuore.
7. Ko, mo kie te koe dabai tídibe Jerusalem awane jondron mo mikara riko mo juye krikribé te Jerusalem.
8. Ti etebauntre awane ja ketamuko tiwe, kroke ti dabá ko tídibe mowe ñere, metare.
9. Kisete Ngobó nun Kobóbuye juye te tiwe jondron koin konoin mo kroke.

SALMO 123.

1. Mo nunanko ko koin biti kukuore ti tau ja okuo kainko.
2. Monsowe ja okuo mikai ja batronen kise boto; awane meri kronwen ja okuo mikai ja ngbubuoko merireye boto erere, nun okuo kontibe nun Ngobóe ngubuore. Niara brukuo tote koin nun kroke wane.
3. Mo brukuo mike koin nun kroke, O Ngobó; ja brukuo mike koin nun kroke; Kisete ni nioe tau bori nun yaere kri.

SALMO 125.

1. Ni tdekako Ngobó biti, dabal Sion ngutuoerere, drekuu fiakare dabal dikiente akua dabal dimen kore.
2. Ngutuo tau Jerusalem boreta, erere Ngobó tau ni Niarawe boreta metare awane kobóta kore.
3. Kisete ni diun ngiye fiakare dabal neketete ni metre okuo biti; ni metre ngite noaite nane.
4. Jondron koin noaine, O Ngobó ni koin kroke, awane ni metre ja brukuo te kroke.
5. Akua nenie tau noin ja jie diun ngrabare, Ngobówe mikai ni jondron diun noainko ben; akua Mo dabal ko nien tidibe Israel biti.

SALMO 128.

1. Ni jukra nenie Ngobó ngoninkaire awane tau noin Niara jie ngrabare bro nuore.

2. Koñowane Mowe ja kude kobó kuatai, Mo dabal nuore, awane jondron koin dabal mowe.
3. Mo kuoroe dabal kri dete koin boto erere mo ken mo giire te; mo ngobrion dabal olivas nurae erere mo tebluye boreta.
4. Ye erere ni Ngobó ngóninkaiko bro dabal nuore.
5. Ngobówe ñoko koin mo kroke Sion konti; awane mowe Jerusalem jondron-en koin toai kore mo tote nire wane.
6. Jon mowe mo ngobrion ngobrion toai, awane ko tidibe Israel biti.

SALMO 130.

1. Ti mobe nguse tau munyen Moe O Ngobó.
2. Ngobó ti kukénoin: Ja olo mike juto ti dibée kuke tori.
3. Newane Mowe nikrá ngite boto nire dabal noadre O Ngobó?
4. Akua niananta toro Mowe, ayekore ni dabal Mo ngoninkaire kore.
5. Ti tau Ngobó jie bore; ti uyae tau jie bore awane tau Niara kuke ngubuore.
6. Ti uyae tau Ngobó ngubuore ni jiboko deko ngubuore erere akua ngwon bori.
7. Israel mike Jehová ngubuore; kisete Ngobó brukuo bro koin ni kroke; awane Niarawe ni kokaratori toro kri.

8. Awane Niarawe Israel kòkaitorita ngite' jukra kon.

SALMO 131.

1. Ngobó ti brukuo ñakare jakainbori, awane ti okuo ñakare tau jondron bori menten koin siba; ti ñakare ja kite jondron kri noain boto, awane dreku menten koin diká ti kroke noaine.
2. Erara é tiwe ja weani bõnkon awane kúekebe aule, monso chi deanko keanboto meyewe erere; ti uyae tau monso chi deaninko keanboto erere.
3. Israel mike Jehová ngubuore metare awane kore.

SALMO 146.

1. Ken Jehováé O ti uyae tiwe.
2. Tiwe kai Jehováé ja nire te. Salmos kai tiwe Ngobóé ti tau nire wane.
3. Ñakare tódeke ni Donkin slotaye awane ni brare ngobrion bití; kiseté niaratre ñian ni yudá dabá.
4. Niara muriéye noin kobore, dikúítaite ja dobóé te: ko ye noire niara tó deaite.
5. Nuore bro ni kroke nenie Yudako bro Jakobo Ngobóye nenie tau tódeke Jehová bití ngrobe.
6. Ara Kúe ko koin a'n' ko tibien mikani, m'reñnie awane jondron jukra te; jondron metre Ngubuoko kore.
7. Ni jondron tare níkako miká metre; Brete bian kúe mroñieye: Jehováwe ni ngite mikata kuore.

8. Jehováwe ni okuo ngetraninte okuo ngeante; Jehováwe ni jaweanko metre ben tare.
9. Jehováwe ni menteni ngubuore, ni úli awane ni kuoroe ngantani guekakro; awane ni diun jie Niarawe kúitate timonkuore.
10. Jehováwe tau gro bití kore, Mo Ngobóé; O Sion noadre kore. Jehová mikadre bori.